

Суббота Акафиста. Похвала Пресвятой Богородицы.

Молитвами святых Отец Господи Иисусе Христе Боже наш, помилуй нас

Трисвятое. По Отче наш: Священник: Яко Твое есть Царство: И мы: Амѣнь. Господи помилуй, 12. Слава, и ныне:

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 19:

Услышит тя Господь в день печали, защитит тя имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твоё тучно буди. Даст ти Господь по сердцу твоему и весь совет твой исполнит. Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. Ныне познах, яко спасе Господь христа Своего, услышит его с Небес Святаго Своего, в силах спасение десницы Его. Сии на колесницах, и сии на конех, мы же во имя Господа Бога нашего призовём. Тии спяти быша и падоша, мы же востанем и исправимомся. Господи, спаси царя и услыши ны, воньже аще день призовём Тя.

Господи помилуй 12 раз

И абие поется во глас 8

Бог Господь, и явися нам, / благословен Грядый во Имя Господне.

Стих 1: Исповедайтесь Господеву, яко благ, яко в век милость Его.

Стих 2: Обышедше обидоша мя и именем Господним противляхся им.

Стих 3: Не умру, но жив буду и повею дела Господня.

Стих 4: Камень, Егоже небрегоша зидущии, Сей бысть во главу угла, от Господа бысть Сей и есть дивен во очесех наших.

Тропарь, глас 8:

Повеленное тайно прием в разуме, / в крове Иосифове тщанием предста
Безплотный, глаголя Неискусобрачней: / приклонивый схождением Небес
вмещается неизменно весь в Тя, / Егоже и видя в ложеснах Твоих приема рабий
зрак, / ужасаюся звати Тебе: / радуйся, Невесто Невестная. (Трижды)

После, по церковному уставу читается 16 кафизма

Кондак, глас 8:

Вбранной Воеводе победительная, / яко избавльшися от злых, /
благодарственная воспоем Ти, раби Твои, Богородице, / но, яко имущая державу

непобедимую, / от всяких нас бед свободи, да зовем Ти: / радуйся, Невесто Невестная.

Икос 1: Ангел представитель с небес послан бысть рещи Богородице: радуйся, / и со безплотным гласом воплощается Тя зря, Господи, ужасашеся / и стояше, зовый к Ней таковая: / Радуйся, Еюже радость возсияет; / радуйся, Еюже клятва исчезнет. / Радуйся, падшаго Адама воззвание; / радуйся, слез Евиных избавление. / Радуйся, высоту неудобовосходимая человеческими помыслы; / радуйся, глубиной неудобозримая и ангельскими очима. / Радуйся, яко еси Цареве седалище; / радуйся, яко носиши Носящего вся. / Радуйся, звезд, являющая Солнце; / радуйся, утробу Божественного воплощения. / Радуйся, Еюже обновляется тварь; / радуйся, Еюже поклоняемся Творцу. / **Радуйся, Невесто Невестная.**

Кондак 2: Видящи Святая Себе в чистоте, / глаголет Гавриилу дерзостно: / преславное твоего гласа неудобоприятельно души Моей является, / безсеменного бо зачатия рождество како глаголеши, зовый: / **Аллилуиа.**

Икос 2: Разум недоразумеваемый разумети Дева ищущи, / возопи к служащему: / из боку чисту, Сыну како есть родитися мощно, рцы Ми? / К Нейже он рече со страхом, обаче зовый сие: / Радуйся, совета неизреченного тайнице; / радуйся, молчания просящих веро. / Радуйся, чудес Христовых начало; / радуйся, велений Его главизно. / Радуйся, лестнице небесная, Еюже сниде Бог; / радуйся, мосте, преводяй сущих от земли на небо. / Радуйся, Ангелов многословущее чудо; / радуйся, бесов многоплачевный струпе. / Радуйся, Свет неизреченно родившая; / радуйся, еже како, ни единого же научившая. / Радуйся, премудрых превосходящая разум; / радуйся, верных озаряющая смысли. / **Радуйся, Невесто Невестная.**

Кондак 3: Сила Вышняго осени тогда к зачатию Браконеискусную, / и благоплодная Той ложесна, яко село показало сладкое, / всем хотящим жати спасение, всегда пети сие: / **Аллилуиа.**

Икос 3: Имущи Богоприятную Дева утробу, востече ко Елисавети; / младенец же она абие познав Сея целование, радовашеся, / и играемыми яко песнями вопияше к Богородице: / Радуйся, отрасли неувядаемая розго; / радуйся, Плода безсмертного стяжание. / Радуйся, Делателя делающая человеколюбца; / радуйся, Садителя жизни наша рождающая. / Радуйся, ниво, растящая гобзование щедрот; / радуйся, трапезо, носящая обилие очищений. / Радуйся, яко рай питный процветаети; / радуйся, яко пристанище душам готовиши. / Радуйся, приятное молитвы кадило; / радуйся, всего мира очищение. / Радуйся, Божие к смертным благоволение; / радуйся, смертных к Богу дерзновение. / **Радуйся, Невесто Невестная.**

Кондак 4: Бурю внутрь имея помышлений сумнительных, / целомудренный Иосиф смятеса, к Тебе зря небрачней, / и бракоокрадованную помышляя, Непорочная; / увидев же Твое зачатие от Духа Свята, рече: / **Аллилуиа.**

И паки кондак:

Взбранной Воеводе победительная, / яко избавльшися от злых, / благодарственная восписуем Ти, раби Твои, Богородице, / но, яко имущая державу непобедимую, / от всяких нас бед свободи, да зовем Ти: / радуйся, Невесто Неневестная.

После, по церковному уставу читается 17 кафизма

И паки глаголем кондак: Взбранной Воеводе победительная, / яко избавльшися от злых, / благодарственная восписуем Ти, раби Твои, Богородице, / но, яко имущая державу непобедимую, / от всяких нас бед свободи, да зовем Ти: / радуйся, Невесто Неневестная.

Икос 4: Слышаша пастырие Ангелов поющих плотское Христово пришествие, / и текше яко к Пастырю видят Сего яко агнца непорочна, / во чреве Мариине упасшася, Юже поюще реша: / Радуйся, Агнца и Пастыря Мати; / радуйся, дворе словесных овец. / Радуйся, невидимых врагов мучение; / радуйся, райских дверей отвержение. / Радуйся, яко небесная срадуются земным; / радуйся, яко земная сликовствуют небесным. / Радуйся, апостолов немолчная уста; / радуйся, страстотерпцев непобедимая дерзосте. / Радуйся, твердое веры утверждение; / радуйся, светлое благодати познание. / Радуйся, Юже обнажися ад; / радуйся, Юже облекохомся славою. / **Радуйся, Невесто Неневестная.**

Кондак 5: Боготечную звезду узревше волсви, тоя последоваша заре, / и яко светильник держаще ю, тою испытаху крепкаго Царя, / и достигше Непостижимаго, возрадовашася, Ему вопиюще: / **Аллилуиа.**

Икос 5: Видеша отроцы халдейстии на руку Девичу Создавшего руками человеки, / и Владыку понимающе Его, аще и рабий прият зрак, / потщася дарми послужити Ему, и возопити Благословенней: / Радуйся, звезды незаходимыя Мати; / радуйся, заре таинственного дне. / Радуйся, прелести пещь угасившая; / радуйся, Троицы тайники просвещающая. / Радуйся, мучителя безчеловечнаго изметающая от начальства; / радуйся, Господа человеколюбца показавшая Христа. / Радуйся, варварскаго избавляющая служения; / радуйся, тмения изымающая дел. / Радуйся, огня поклонение угасившая; / радуйся, пламене страстей изменяющая. / Радуйся, верных наставнице целомудрия; / радуйся, всех родов веселие. / **Радуйся, Невесто Неневестная.**

Кондак 6: Проповедницы богоноснии, бывше волсви, / возвратишася в Вавилон, скончавше Твое пророчество, / и проповедавше Тя, Христа, всем, / оставиша Йрода яко буесловяща, не ведуща пети: / **Аллилуиа.**

Икос 6: Возсиявый во Египте просвещение истины, отгнал еси лжи тьму: / идоли бо его, Спасе, не терпяще Твоея крепости, падоша, / сих же избавльшиися вопияху к Богородице: / Радуйся, исправление человеков; / радуйся, низпадение бесов. / Радуйся, прелести державу поправшая; / радуйся, идольскую лесь обличившая. / Радуйся, море, потопившее фараона мысленнаго; / радуйся, каменю,

напоивший жаждущия жизни. / Радуйся, огненный столпе, наставляяй сущия во тьме; / радуйся, покрове миру, ширший облака. / Радуйся, пище, манны приемнице; / радуйся, сладости святых служительнице. / Радуйся, земле обетования; / радуйся, из неяже течет мед и млеко. / **Радуйся, Невесто Невестная.**

Кондак 7: Хотящу Симеону от нынешняго века преставитися прелестнаго, / вдалься еси яко младенец тому, / но познался еси ему и Бог совершенный. / Темже удивися Твоей неизреченней премудрости, зовый: / **Аллилуиа.**

И паки кондак:

Взбранной Воеводе победительная, / яко избавльшися от злых, / благодарственная восписуем Ти, раби Твой, Богородице, / но, яко имущая державу непобедимую, / от всяких нас бед свободи, да зовем Ти: / радуйся, Невесто Невестная.

Псалом 50. И канон Пресвятыя Богородицы

Канон Триоди

Творение господина Иосифа, егоже краестрочие: Радости приятелище, Тебе подобает радоватися единой. **Глас 4.**

Песнь 1.

Ирмос: Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуяся, Тоя чудеса.

Припев: Пресвятая Богородице спаси нас.

Христову книгу одушевленную, запечатленную Тя Духом, / великий Архангел, Чистая, зря возглашаше Ти: / радуйся, радости приятелище, / Еюже праматерняя клятва разрешится.

Припев: Пресвятая Богородице спаси нас.

Адамово исправление, радуйся / Дево Богоневесто, адово умерщвление. / Радуйся Всенепорочная, палато всех Царя: / радуйся, престоле огненный Вседержителя.

Припев: Слава Отцу и Сыну, и Святому Духу

Цвете неувядаемый, радуйся / едина прозябшая яблоко благовонное. / Радуйся рождающая благоухание единого Царя. / Радуйся Неискуобращная, миру спасение.

Припев: И ныне и присно и во веки веков. Аминь

Чистоты сокровище, радуйся, / Еюже от падения нашего востяхом. / Радуйся, сладкоуханный крине, Владычице, / верных благоухаяй, кадило благовонное, / и миру многоценное.

Песнь 3.

Ирмос: Твоя песнословцы, Богородице, / Живый и Независтный Источник, / лик себе совокупльшия, духовно утверди, / в Божественной Твоей славе / венцев славы сподоби.

Припев: Пресвятая Богородице спаси нас.

Клас прозябшая Божественный, яко нива неоранная яве, / радуйся одушевленная трапезо, хлеб животный вмещающая. / Радуйся, животная воды источник неистощаемый, Владычице.

Припев: Пресвятая Богородице спаси нас.

Юнице Юнца рождающая непорочного, радуйся верным. / Радуйся Агнице, рождающая Божияго Агнца, / вземлющего мира всего прегрешения. / Радуйся теплое очистилище.

Припев: Слава Отцу и Сыну, и Святому Духу

Утро светлейшее, радуйся / едина Солнца носящая Христа, света жилище. / Радуйся, тьму разрушившая, / и мрачные бесы отнюд отгнавшая.

Припев: И ныне и присно и во веки веков. Аминь

Радуйся, двере едина, / Еюже Слово пройде едино, / вереи и врата адова, Владычице, Рождеством Твоим сокрушившая. / Радуйся, Божественный входе спасаемых, Богоневесто.

Кондак:

Взбранной Воеводе победительная, / яко избавльшися от злых, / благодарственная восписуем Ти, раби Твои, Богородице, / но, яко имущая державу непобедимую, / от всяких нас бед свободи, да зовем Ти: / радуйся, Невесто Невестная.

И чем другая шесть икосов и кондаков.

Икос 7: Новую показав тварь, / явлься Зиждитель нам от Него бывшим, / из бесеменная прозяб утробы, / и сохранив Ю, якоже бе, нетленну, / да чудо видяще, воспоём Ю, вопиюще: / Радуйся, цвете нетления; / радуйся, венче воздержания. / Радуйся, воскресения образ облистаяющая; / радуйся, ангельское житие являющая. / Радуйся, древо светлоплодовитое, от негоже питаются вернии; / радуйся, древо благосеннолиственное, имже покрываются мнози. / Радуйся, во чреве носящая Избавителя плененным; / радуйся, рождающая Наставника заблуждшим. / Радуйся, Судий праведнаго умоление; / радуйся, многих согрешений прощение. / Радуйся, одержо нагих дерзновения; / радуйся, любы, всякое желание побеждающая. / **Радуйся, Невесто Невестная.**

Кондак 8: Странное рождество видевше, / устранимся мира, ум на небеса преложше: / сего бо ради высокий Бог на земли явился смиренный человек, / хотяй привлещи к высоте Тому вопиющия: / Аллилуиа.

Икос 8: Весь бе в нижних / и вышних никакоже отступил неописанное Слово: / низхождение бо Божественное, / не прехождение же местное бысть, / и рождество от Девы Богоприятная, слышащая сия: / Радуйся, Бога невместимаго вместилище; / радуйся, честнаго таинства двери. / Радуйся, неверных сумнительное слышание; / радуйся, верных известная похвало. / Радуйся, колеснице пресвятая Сущаго на Херувимех; / радуйся, селение преславное Сущаго на Серафимех. / Радуйся, противная в тожде собравшая; / радуйся, девство и рождество сочетавшая. / Радуйся, Еюже разрешися преступление; / радуйся, Еюже отверзся рай. / Радуйся, ключу Царствия Христова; / радуйся, надеждо благ вечных. / **Радуйся, Невесто Невестная.**

Кондак 9: Всякое естество ангельское удивися великому Твоего вочеловечения делу; / неприступнаго бо яко Бога, зряще всем приступнаго Человека, / нам убо спребывающа, слышаща же от всех: / Аллилуиа.

Икос 9: Ветия многовещанная, яко рыбы безгласныя видим о Тебе, Богородице, / недоумевают бо глаголати, / еже како и Дева пребываеши, и родити возмогла еси. / Мы же, таинству дивящися, верно вопием: / Радуйся, премудрости Божия приятелище; / радуйся, промысления Его сокровище. / Радуйся, любомудрая немудрая являющая; / радуйся, хитрословесныя безсловесныя обличающая. / Радуйся, яко обуяша лютии взыскателе; / радуйся, яко увядоша баснотворцы. / Радуйся, афинейская плетения растерзающая; / радуйся, рыбарския мрежи исполняющая. / Радуйся, из глубины неведения извлекающая; / радуйся, многи в разуме просвещающая. / Радуйся, кораблю хотящих спастися; / радуйся, пристанище житейских плаваний. / **Радуйся, Невесто Невестная.**

Кондак 10: Спасти хотя мир, Иже всех Украситель, / к сему самообетован прииде, и Пастырь сый, яко Бог, / нас ради явился по нам человек: / подобным бо подобное призвав, яко Бог слышит: / Аллилуиа.

И паки кондак:

Взбранной Воеводе победительная, / яко избавльшися от злых, / благодарственная восписуем Ти, раби Твои, Богородице, / но, яко имущая державу непобедимую, / от всяких нас бед свободи, да зовем Ти: / радуйся, Невесто Невестная.

Седален, глас 1.

Подобен: Гроб Твой:

Великий воин невещественных Ангелов, / во град Назарет представ, / Царя возвещает Твоего, Чистая, / и веков Господа: / радуйся, глаголя Тебе,

благословенная Маріе, / непостижимая и несказанная глубинó, / человекóв
воззв́ание.

Песнь 4.

Ирмос: Седя́й в Сла́ве / на Престо́ле Божества́ / во о́блаце лёгце, / при́иде Иису́с
Пребоже́ственный, / Нетле́нною Дла́нию / и спасе́ зову́щая: / сла́ва, Христе́, си́ле
Твоёй.

Припев: Пресвятая Богородице спаси нас.

Во гла́сах пёний, Де́во, / Тебе́ вопиём, Всепе́тая: / ра́дуйся, тучная горó и
усыре́нная Ду́хом. / Ра́дуйся све́щнице, и ста́мно ма́нну нося́щая, / услажда́ющая
всех благоче́стивых чу́ства.

Припев: Пресвятая Богородице спаси нас.

Очисти́лище ми́ру, ра́дуйся, Пречи́стая Влады́чице. / Ра́дуйся ле́стнице, от
земли́ всех возвы́сившая благода́тию. / Ра́дуйся мо́сте, воистинну прево́дяй всех /
от сме́рти к животу́ пою́щих Тя.

Припев: Пресвятая Богородице спаси нас.

Небе́с превы́шшая, ра́дуйся, земли́ основáние / в Твои́х ложесна́х Пречи́стая,
нетру́дно носив́шая. / Ра́дуйся червлени́це, багряни́цу Божество́нную омочив́шая, /
от крове́й Твои́х, Царе́ви си́лам.

Припев: Слава Отцу и Сыну, и Святому Духу

Законода́вца ро́ждшая и́стиннаго, ра́дуйся, Влады́чице, / беззакóния всех ту́не
очища́ющего. / Недове́домая глубинó, высотó неизрече́нная, браконеиску́сная, /
Е́юже мы обожихо́мся.

Припев: И ныне и присно и во веки веков. Аминь

Тя исплётшу́ю ми́рови нерукоплетённый ве́нец песносло́вим, / ра́дуйся, Тебе́
Де́во зову́ще: / храни́лище всех и огражде́ние, и утвержде́ние, / и свяще́нное
прибе́жище.

Песнь 5.

Ирмос: Ужасóшася вся́ческая / о Божество́нной сла́ве Твоёй: / Ты бо,
Неискусобра́чная Де́во, / имела́ еси́ во утробе́ над все́ми Бо́га / и родила́ еси́
Безле́тнаго Сы́на, / всем воспева́ющим Тя / мир подава́ющая.

Припев: Пресвятая Богородице спаси нас.

Пу́ть ро́ждшая жи́зни, ра́дуйся Пренепоро́чная, / от пото́па грехо́внаго мир
спа́сшая: / ра́дуйся Богоневе́сто, слы́шание и глаго́лание стра́шное: / ра́дуйся
пребывáние Влады́ки тва́ри.

Припев: Пресвятая Богородице спаси нас.

Крепость и утверждение человеков, радуйся Пречистая, / место освящения славы, умерщвление адово, чертоже всесветлый. / Радуйся ангелов радости: / радуйся помощи верно молящихся Тебе.

Припев: Пресвятая Богородице спаси нас.

Огнеобразная колеснице Слова, радуйся Владычице, / одушевленный рай, древо посреде имущи жизни Господа, / Егоже сладость оживотворяет верою причащающихся, и тли подклонившихся.

Припев: Слава Отцу и Сыну, и Святому Духу

Укрепляеми силою Твоею, верно вопиём Ти: / радуйся, граде всех Царя, / преславная и достослышанная о Нейже глаголана быша яве, горю несекомая: / радуйся глубино неизмеримая.

Припев: И ныне и присно и во веки веков. Аминь

Пространное селение Слова, радуйся Пречистая, / сосуде, Божественный бисер произведшая. / Радуйся, всечюдное всех к Богу примирение, / блажащих Тя, Богородице, всегда.

Песнь 6.

Ирмос: Божественное сие и всечестное / совершающее празднество, / Богомудрии, Богоматере, / приидите, руками восплещим, / от Ней рождаемого Бога славим.

Припев: Пресвятая Богородице спаси нас.

Чертоже Слова нескверный, вина всех обожения, / радуйся, Пречистая, пророков оглашение; / радуйся, апостолов удобрение.

Припев: Пресвятая Богородице спаси нас.

От Тебе роса укану, пламень многобожия угасившая. / Тем вопиём Ти: / радуйся, руну одушевленное, еже Гедеон, Дево, предвиде.

Припев: Пресвятая Богородице спаси нас.

Се Тебе [Дево] радуйся, зовём, / пристанище нам буди влающимся, / и отиши в пучине скорбей, / и соблазнов всех борителя.

Припев: Пресвятая Богородице спаси нас.

Радости вина, благодати наш помысл, еже звати Тебе: / радуйся неопалимая купино, облаче всесветлый, / верныя непрестанно осеняющий.

Таже четверопеснец, глас 6.

Песнь 6.

Ирмос: Житейское море воздвигаемое:

Припев: Святїи мученицы молитє Бога о нас.

Пострада́вше мученицы / и, ꙗко ка́мение избра́нное, по землі валя́ющєся, / зиждѣтельство всѣкое врага́ соверше́нно преврати́ша / и хра́ми Бо́га Жива́го яви́шася.

Припев: Святїи мученицы молитє Бога о нас.

Вас мо́лим, течѣние дѣброе соверши́вших, мученицы, / поста́ течѣние тещи́ нас дѣброе укрепѣте, / добродѣтелей соверше́нием просия́вших.

Припев: Святїи мученицы молитє Бога о нас.

Рабы́ Твоя́, Влады́ко, / преста́вльшиися от землі к Тебѣ, Прєблагóму, / Твоегó Царствїя сотвори́ общники, / Божѣственных мученик Твои́х свящѣнными ходата́йствы, Многомѣлостиве.

Припев: Прєсвятая Богородице спаси нас.

Богородичен: Едина́ Всепѣтая, / пою́щим Тя вѣрно, грехѣв оставлѣние / и дарованїй Божѣственных часть дати́ся, / Всєвятóму Сло́ву моли́ся, Мати́ Дѣво.

Иный, глас 5.

Ирмос: От кита́ проро́ка:

Припев: Святїи мученицы молитє Бога о нас.

Па́мь соверша́юще мученик, / Гóсподеви возслѣм пѣсни, / днесь Божѣственно веселя́щєся.

Припев: Святїи мученицы молитє Бога о нас.

Мечѣв и огня́ не убо́явшєся, / дерза́юще в вѣре страсотѣрпцы, / мучѣтели в сем уязви́сте.

Припев: Слава Отцу́ и Сыну́, и Святому́ Духу

Трои́чен: Трѣицу́ Ли́цы воспєва́ю Тя, / Едини́це по сущєствú покланя́юся, / Тебѣ, О́тче, Сы́не и Ду́ше Святы́й.

Припев: И ныне́ и присно́ и во веки́ веков. Аминь

Богородичен: Ангел и человекъ благохвалѣние еси́, / ꙗко родила́ еси́, Дѣво, Христа́, Спа́са душáм нáшим.

Стих: Дивен Бог во святыхъ Своихъ, Бог Израилев.

Смерти́ю живѣт прємени́вше, / раду́етєся, на Небєсѣх живущє, / страсотѣрпцы прєславни́и Христа́ Бо́га.

Стих: Души́ их во благихъ водворятся.

Смертию и животом обладай, / верою преставльшиися от жития, Христэ, / со святыми Твоими упокой.

Ирмос: От кита пророка избавил еси, / мене же из глубины грехов возведи, / Господи, и спаси мя.

Кондак:

Взбранной Воеводе победительная, / яко избавльшеся от злых, / благодарственная восписуем Ти, раби Твои, Богородице, / но, яко имущая державу непобедимую, / от всяких нас бед свободи, да зовем Ти: / радуйся, Невесто Неневестная.

И чем оставльшиися шесть икосов и кондаков.

Икос 10: Стена еси девам, Богородице Дево, и всем к Тебе прибегающим: / ибо небесе и земли Творец устрои Тя, Пречистая, вселься во утробе Твоей, / и вся приглашати Тебе научив: / Радуйся, столпе девства; / радуйся, дверь спасения. / Радуйся, начальнице мысленнаго наздания; / радуйся, подательнице Божественныя благодати. / Радуйся, Ты бо обновила еси зачатия студно; / радуйся, Ты бо наказала еси окраденныя умом. / Радуйся, глителя смыслов упражняющая; / радуйся, Святеля чистоты рождающая. / Радуйся, чертоже безсеменнаго уневещения; / радуйся, верных Господеви сочетававшая. / Радуйся, добрая младопитательнице девам; / радуйся, невестокрасительнице душ святых. / **Радуйся, Невесто Неневестная.**

Кондак 11: Пение всякое побеждается, / спрострется тщашееся ко множеству многих щедрот Твоих: / равночисленныя бо песка песни аще приносим Ти, Царю святой, / ничтоже совершаем достойно, / яже дал еси нам, Тебе вопиющим: / **Аллилуиа.**

Икос 11: Светоприемную свещу, сущим во тьме явльшуюся, зрим святую Деву, / невещественный бо вжигаючи огонь, / наставляет к разуму Божественному вся, / зарю ум просвещающая, званием же почитаемая, сими: / Радуйся, луче умнаго Солнца; / радуйся, светило незаходямаго Света. / Радуйся, молние, души просвещающая; / радуйся, яко гром, враги устрашающая. / Радуйся, яко многосветлое возсиявшеи просвещение; / радуйся, яко многотекущую источаеши реку. / Радуйся, купели живописующая образ; / радуйся, греховную отъемлющая скверну. / Радуйся, бане, омывающая совесть; / радуйся, чаше, черплющая радость. / Радуйся, обоняние Христова благоухания; / радуйся, животэ тайнаго веселия. / **Радуйся, Невесто Неневестная.**

Кондак 12: Благодать дати восхотев, долгов древних, / всех долгов Решитель человеком, / прииде Собою ко отшедшим Того благодати, и раздрав рукописание, / слышит от всех сице: / **Аллилуиа.**

Икос 12: Поюще Твое Рождество, хвалим Тя вси, / яко одушевленный храм, Богородице: / во Твоей бо вселився утробе содержи вся рукою Господь, / освяти, прослави и научи вопити Тебе всех: / Радуйся, селение Бога и Слова; / радуйся,

святая святых большая. / Радуйся, ковчеже, позлащенный Духом; / радуйся, сокровище живота неистощимое. / Радуйся, честный венец царей благочестивых; / радуйся, честная похвала иереев благоговейных. / Радуйся, Церкви непоколебимый столпе; / радуйся, Царствия нерушимая стена. / Радуйся, Еюже воздвигнутся победы; / радуйся, Еюже низпадают враги. / Радуйся, тела моего врачевание; / радуйся, души моей спасение. / **Радуйся, Невесто Невестная.**

Кондак 13: О, Всепетая Мати, рождающая всех святых Святейшее Слово! / Нынешнее приими приношение, от всякия избави напасти всех, / и будущия изми муки, о Тебе вопиющих: / **Аллилуиа.**

Сей кондак глаголи трижды.

И паки читается 1-й икос: Ангел предстатель с небес послан бысть рещи Богородице: радуйся, / и со безплотным гласом воплощаема Тя зря, Господи, ужасашеся / и стояше, зовый к Ней таковая: / Радуйся, Еюже радость возсияет; / радуйся, Еюже клятва исчезнет. / Радуйся, падшаго Адама воззвание; / радуйся, слез Евиных избавление. / Радуйся, высот неудобовосходимая человеческими помысли; / радуйся, глубино неудобозримая и ангельскими очима. / Радуйся, яко еси Цареве седище; / радуйся, яко носиши Носящего вся. / Радуйся, звезд, являющая Солнце; / радуйся, утроба Божественного воплощения. / Радуйся, Еюже обновляется тварь; / радуйся, Еюже поклоняемся Творцу. / **Радуйся, Невесто Невестная.**

И паки кондак: Взбранной Воеводе победительная, / яко избавльшися от злых, / благодарственная восписуем Ти, раби Твои, Богородице, / но, яко имущая державу непобедимую, / от всяких нас бед свободи, да зовем Ти: / радуйся, Невесто Невестная.

Песнь 7.

Ирмос: Не послужиша твари Богомудрии / паче Создавшего, / но, огненное прещение мужески поправше, / радовахуся, поюще: / препетый отец Господь и Бог, благословен еси.

Припев: Пресвятая Богородице спаси нас.

Воспеваем Тя вопиюще: / радуйся, колеснице солнца умного, / лозо истинная, грозд зрелый возделавшая, вино источающий, / души веселящее верою Тя славящих.

Припев: Пресвятая Богородице спаси нас.

Врача всех человек рождающая, радуйся Богоневесто, / жезле тайный, цвет неувядаемый процветший, / радуйся Владычице, Еюже радости наполняемся, и жизнь наследствуем.

Припев: Пресвятая Богородице спаси нас.

Ветийствующий не мóжет язык, Владычице, песнословити Тя, / пáче бо серафíмов возвысилася еси, рóждши Царя Христа. / Егóже моли граду сему избáвиться от мнóгих искушéний.

Припев: Пресвятая Богородице спаси нас.

Хвалят Тя блажаще концы, и любóвию зовут Тебе: / радуйся свитче, в нёмже перстом Óтчим написáся Слово, Чистая. / Егóже моли, в книги живóтныя / рабóм Твоим написáтися, Богорóдице.

Припев: Пресвятая Богородице спаси нас.

Мóлим, раби Твои, и приклоняем колéно сёрдца нáшего: / приклони́ у́хо Твоё, Чистая, / и спаси́ скорбьми́ погружа́емая прísно, / и соблюди́ от всякаго вра́жия пленéния Твой град, Богорóдице.

Иный, глас 6.

Ирмос: Росодáтельну:

Припев: Святии мученицы молитесь Бога о нас.

Пресвётлое собрание Божéственных Твои́х мучеников, Многомíлостиве, / во свéте Твоём незаходíмем ны́не жítельствует. / Тех моли́твами просвещéние и грехóв очищéние пода́ждь всем, Христé.

Припев: Святии мученицы молитесь Бога о нас.

Коль красное вре́мя, е́же нам дал еси воздержáния, Гóсподи, / в нёмже ущéдри дýши нáша я́ко Благ, / моли́твами святы́х страдáлец, / красныя и честны́я возлюбíвших страсти Твоя́.

Припев: Святии мученицы молитесь Бога о нас.

Прешéдшия многоболéзненную бýрю жити́я рабы Твоя́, / устреми́ в пристáнище, Влады́ко, жízни, / вопи́ти со все́ми избрáнными: / благословéн еси́, Гóсподи Бóже отéц нáших.

Припев: Пресвятая Богородице спаси нас.

Богородичен: Закона Дáтеля, Приснодéво, рóждшая моли́, / беззакóния отъяти вся, во вре́мя ны́не настоя́щее, / дóбре произво́лившим обучáтися Божéственного поста́ тщáнием.

Иный, глас 5.

Ирмос: Благословéн еси́, Бóже:

Припев: Святии мученицы молитесь Бога о нас.

Благословéн еси́, Бóже, / показáвый дóбля о Тебе́ стра́ждущия мученики, / препéтый и препрослáвленный.

Припев: Святии мученицы молитесь Бога о нас.

Благословѣн еси, Бóже, / страсотѣрпцы молѣтвенники нам к Тебѣ подавая, / препѣтый и препрослáвленный.

Припев: Слава Отцу и Сыну, и Святому Духу

Троичен: Благословѣн еси, Бóже, / едѣн úбо Естеством, Лицы же тремѣ познаваемы, / препѣтый и препрослáвленный.

Припев: И ныне и присно и во веки веков. Аминь

Богородичен: Благословѣн еси, Бóже, / рождѣйся безсѣменно, и Рóждшую показáвый чистóтствующую, / препѣтый и препрослáвленный.

Стих: Святы́м, и́же суть на землѣ Егó, удивѣ Господь вся хотѣния Своя́ в них.

Благословѣн еси, Бóже, / звѣри укротѣвый и погасѣвый огонь, / в славу святѣх Твоѣх, препѣтый и препрослáвленный.

Стих: Блажѣни, я́же избрал, и прия́л еси́ Гóсподи.

Благословѣн еси, Бóже, / от смѣрти в безконѣчный живóт преложѣвый, / вѣрою в житѣи послужѣвша Тебѣ.

Ирмос: Благословѣн еси, Бóже, / видя́й бѣздны / и на Престóле Славы седя́й, / препѣтый и преслáвный.

Песнь 8.

Ирмос: Óтроки благочестѣвныя в пѣщи / Рождество́ Богорóдичо спасло́ есть; / тогда́ úбо образуемое, / ны́не же дѣйствующее, / вселѣнную всю воздвизáет пѣти Тебѣ: / Гóспода пойте, дела́, / и перевозносите Егó во вся вѣки.

Припев: Пресвятая Богородице спаси нас.

Ложесны́ Слово́ прия́ла еси́, / вся нося́щаго носѣла еси́, / млеко́м пита́ла еси́, / ма́нием пита́ющаго вселѣнную всю, Чѣстая, Емúже поём: / Гóспода пойте дела́, и перевозносите во вся вѣки.

Припев: Пресвятая Богородице спаси нас.

Моисѣй уразумѣ в купинѣ вели́кое та́инство Рождества́ Твоегó, / óтроцы же прообразѣша сѣ я́вственнее / посреде́ огня́ стоя́ще, и не опаля́еми, нетлѣнная святáя Дѣво. / Тем Тя почитáем во вся вѣки.

Припев: Пресвятая Богородице спаси нас.

Прѣжде прѣлестѣю обнажѣвшиися / в рѣзу нетлѣния облекóхомся Рождество́м Твоѣм, / и седя́щи во тьме прегрѣшѣний, свет видѣхом, / свѣта жили́ще, Óтрокови́це. / Тем Тя поём во вся вѣки.

Припев: Пресвятая Богородице спаси нас.

Мёртвии Тобо́ю оживля́ются, / Жизнь бо ипостáсную родила́ еси́, / немии
пре́жде, благоглаго́ливи быва́ют, / прокаже́ннии очища́ются, недúзи отгоня́ются, /
духо́в возду́шных мно́жества побежда́ются, / Де́во, челове́ков спасе́ние.

Припев: Пресвятая Богородице спаси нас.

Ми́ру рóждшая спасе́ние, / íмже от земли́ на высотú взяти́ бѣхом, / раду́йся
всеблагослове́нная, покрóве и держа́во, / стено́ и утвержде́ние пою́щим, Чистая: /
Го́спода по́йте дела́, и превозно́сите во вся ве́ки.

Иный.

Ирмос: Из пла́мене преподо́бным рóсу:

Припев: Святии мученицы молитесь Бога о нас.

Святы́х мученик исправле́нием, / небеснии́ умове́ преудиви́шася, / тех
моли́твами, ми́лости Тво́я, Влады́ко, в нас богáтно удиви́, Ще́дре.

Припев: Святии мученицы молитесь Бога о нас.

Огнь Божество́нною росóю попра́вшии, / страда́льцы Господни́ досточúднии, /
изба́вите нас огня́ муча́щаго, / ко Влады́це тёплыми ва́шими моли́твами.

Припев: Святии мученицы молитесь Бога о нас.

Преблагый́ Сло́ве, / отше́дшия от нас правосла́вно, / жи́зни сподо́би, я́же на
небесе́х, / и святы́я свѣтлости, / добропобѣ́дных мученик моли́твами.

Припев: Пресвятая Богородице спаси нас.

Богородичен: Моли́твами, Ще́дре, Рóждшия Тя, / и святы́х мученик и апо́стол
Твои́х, / просвети́ на́ша ду́ши, е́же сла́вити Тя, / в весе́лии душе́внем во ве́ки.

Иный.

Ирмос: Творца́ тва́ри, Егóже ужаса́ются А́нгели:

Припев: Святии мученицы молитесь Бога о нас.

Ли́цы мученик святы́и, / помяните́ любóвию воспева́ющия вы / и
превозно́сщия Христа́ во ве́ки.

Припев: Святии мученицы молитесь Бога о нас.

Мечём усека́еми, ра́довахуся мученицы, пою́ще Христа́ / и превозно́сше во
вся ве́ки.

Благословим Отца́ и Сы́на и Свята́го Ду́ха, Го́спода.

Троицен: Странноле́пно разделя́ется Трóица / и пребыва́ет неразде́льна, я́ко
Бог, / Ю́же превозно́сим во вся ве́ки.

И ны́не и при́сно и во ве́ки веко́в, ами́нь.

Богородичен: Дѣва Младѣнца роди, / Бог бо из Нея вочеловѣчися, / вся тварь да поёт Егó во вѣки.

Стих: Дѣвен Бог во святѣх Своих, Бог Израилев.

Столпѣ мужества явѣшася, / падѣнием диаволим радующеся мученицы, / поюще Христа и превозносяще во вѣки.

Стих: Души их во благих водворятся.

У Авраама вѣдритися сподоби, Господи, рабы Твоя, / верою преставльшиися к Тебѣ, и надежду.

Хвалим, благословим, покланяемся Господеви, поюще и превозносяще во вся вѣки.

Ирмос: Творца твари, / Егóже ужасаются Ангели, / пойте, людие, / и превозносите во вся вѣки.

На 9-й песни поем песнь Пресвятыя Богородицы:

Величит душа Моя Господа и возрадовася дух Мой о Бóже Спасе Моём.

К коемуждо стиху припеваем: Честнейшую Херувим / и славнейшую без сравнения Серафим, / без ислѣния Бóга Слова рóждшую, / сущую Богородицу, Тя величаем.

Яко призрѣ на смирение рабы Своея, се бо, от ныне ублажат Мя вси рóди.

Яко сотвори Мне величие Сильный, и свято имя Егó, и милость Егó в рóды родóв боящимся Егó.

Сотвори державу мѣшцею Своею, расточи гóрдия мѣслию сѣрдца их.

Низложи сильные со престол, и вознесѣ смиренные, алчущия исполни благ, и богатящияся отпусти тщи.

Восприят Израиля óтрока Своегó, помянути милости, якоже глагола ко отцѣм нашим, Аврааму и сѣмени егó да́же до вѣка.

Песнь 9.

Ирмос: Всяк земнорóдный / да възграется, Духом просвещаемъ, / да торжествует же Безплóтных умóв естество, / почитающее священное торжество Богоматере, / и да вопиет: / радуйся, Всеблаженная, / Богородице, Чистая Приснодѣво.

Припев: Пресвятая Богородице спаси нас.

Да Тебѣ, вѣрнии, радуйся зовѣм, / Тобою радости причастицы бѣвше присносущныя, / избави нас напáстей, вáрварскаго пленѣния, и всякия инѣя рáны, / за множество, Отроковице, прегрешѣний, / находящия человеком согрѣшающим.

Припев: Пресвятая Богородице спаси нас.

Явилася еси просвещение наше и утверждение. / Темже вопиём Ти: / радуйся, звездó незаходима́я, вводя́щая в мир вели́кое Со́лнце. / Ра́дуйся, Еде́м отве́рзшая заключе́нный, Чи́стая. / Ра́дуйся, сосúde, ми́ро неисто́щимое на Тя изли́янное прие́мший.

Припев: Пресвятая Богородице спаси нас.

Ста́нем благоговéино в дому́ Бо́га на́шего, и возопи́м: / ра́дуйся, ми́ру Влады́чице. / Ра́дуйся, Мари́е, Госпоже́ всех нас. / Ра́дуйся, еди́на непоро́чная в жена́х и до́брая. / Ра́дуйся, сто́лпе о́гненный, вводя́щий в вы́шнюю жизнь челове́чество.

Припев: Пресвятая Богородице спаси нас.

Голуби́це Ми́лостиваго ро́ждшая, ра́дуйся Присноде́во: / преподо́бных всех, ра́дуйся, похвало́, страда́льцев венча́ние. / Ра́дуйся, всех пра́ведных Божéственное удо́брение, / и нам ве́рным спасéние.

Припев: Пресвятая Богородице спаси нас.

Пощади́, Бо́же, насле́дие Твое́, / грехи́ наша́ вся презре́в ны́не, / на си́е имéя моля́щую Тя, / на земли́ безсе́менно Тебе́ Ро́ждшую, / вели́кия ра́ди ми́лости восхоте́вшего / вообрази́тися, Христé, в челове́чество.

Иный.

Ирмос: Бо́га челове́ком невозмо́жно:

Припев: Святии мученицы молитесь Бога о нас.

Я́ко свет, я́ко со́лнце возсия́вше, / всю зéмлю луча́ми благочéстия, мученицы, / и свети́лами чуде́с просвети́ша / и многобо́жия тьму разгна́ша, / ихже моли́твами, Бо́же, поми́луй нас.

Припев: Святии мученицы молитесь Бога о нас.

Во́инство мучеников непобедíмое, / всех нас укрепí до́бре подви́заться / и соверши́ти поста́ по́прище, / я́ко да Божéственнаго жити́я де́ло соверши́вше, / прича́стницы бу́дем жи́зни, веселя́щися.

Припев: Святии мученицы молитесь Бога о нас.

Твоя́ да предва́рит бла́гость, Го́споди, / от нас стра́шным преставли́вшихся повеле́нием Твои́м, / да окру́жит их Твоя́ ми́лость, / и да наста́вит к селéнием, просвеще́нным све́том лица́ Твоего́.

Припев: Пресвятая Богородице спаси нас.

Богородичен: Гла́сом а́нгеловым сове́та О́тча А́нгела, / неизрече́нно Богоро́дице родила́ еси́, / гла́сы у́бо рабо́в Твои́х приими́, / я́же во вре́мя поста́ прино́сим, / и сия́ принеси́ Бо́гу, я́коже кади́ло.

Иный.

Ирмос: Иса́ие, лику́й:

Припев: Пресвятая Богородице спаси нас.

Соверша́юще торже́ство му́ченическое, / днесь лю́дие воскликнем пёсньми, / пою́ще Христу́ подвигополо́жнику / и победы́ на враги́ им пода́вшему, / Егóже в пёснях велича́ем.

Припев: Пресвятая Богородице спаси нас.

Ноготы́ми растерза́ем и усеца́ем мечём на у́ды, / совокуписте́ся Христу́ любёзно, всехва́льнии му́ченицы. / Тем и ны́не на небесе́х веселя́щися, о всех моли́теся.

Припев: Слава Отцу и Сыну, и Святому Духу

Троичен: Еди́но Суще́ством воспева́ю Тя, Безнача́льная Трои́це, / честна́я, живонача́льная, несеко́мая Еди́нице, / О́тче нерождённы́й и рождённы́й Сло́ве и Сы́не, Ду́ше Святы́й, / нас спаси́, пою́щих Тя.

Припев: И ныне и присно и во веки веков. Аминь

Богородичен: Па́че ума́ рождество́ Твое́, Богома́ти, / без му́жа бо зачатие́ в Тебе́ и де́вственно рождéние бысть, / и́бо Бог есть роди́выйся, / Егóже велича́юще, Тя, Де́во, ублажа́ем.

Стих: Святы́м, и́же суть на землі́ Егó, удиви́ Господь́ вся хотéния Сво́я в них.

До́блее во́инство Царя́ всех и Бо́га, / му́чеников пёсньми венча́им, лю́дие, / тии́ бо победи́ша бесо́вския полки́ я́ве, / я́же воспева́юще, Влады́ку велича́ем.

Стих: Блаже́ни, я́же избра́л, и прия́л еси́ Го́споди.

Егда́ все создáние Твое́ возста́виши суди́тися, Христе́, я́же прия́л еси́, / и ны́не рабы́ Тво́я верны́я помилуй, / прости́, я́же в жити́й прегрешéния их, / и со святы́ми Твои́ми упоко́й я́ во ве́ки.

Ирмос: Иса́ие, лику́й, / Де́ва имé во чре́ве / и роди́ Сы́на Емману́ила, / Бо́га же и Челове́ка, / Восто́к и́мя Емú, / Егó же велича́юще, / Де́ву ублажа́ем.

Ексапостиларий.

Подобен: Жены услышите:

Еже от века днесь познаётся таинство: / Божие Бог Слово, Сын Девы Марии за милосердие бывает, / и радость Благовещения Гавриил провещавает. / С нимже возопийм вси: / радуйся, Мати Господня.

Всякое дыхание да хвалит Господа. / Хвалите Господа с небес, / хвалите Его в вышних. / Тебе подобает песнь Богу. / Хвалите Его, вси Ангели Его, / хвалите Его, вся Силы Его. / Тебе подобает песнь Богу.

И поем стихиры, глас 4

Хвалите Его на силах Его, / хвалите Его по множеству величества Его.

Сокровенное таинство / и Ангелом неведомое, / Гавриил уверяет Архангел, / и к Тебе ныне придет / единой нетленной и добрей голубице, / и рода нашего воззванию, / и возопиет Тебе, Пресвятая, еже радуйся, / уготовися словом, Бога Слова, / Твоими ложеснами прияти.

Хвалите Его во гласе трубнем, / хвалите Его во псалтири и гуслех.

Сокровенное таинство / и Ангелом неведомое, / Гавриил уверяет Архангел, / и к Тебе ныне придет / единой нетленной и добрей голубице, / и рода нашего воззванию, / и возопиет Тебе, Пресвятая, еже радуйся, / уготовися словом, Бога Слова, / Твоими ложеснами прияти.

Хвалите Его в тимпанах и лице, / хвалите Его во струнах и органе.

Светоносная палата / уготовася Тебе, Владыко, / утроба чистая Богоотроковицы, / гряди к Сей и сниди, ущедри создание Твое, / завистно брань приемшее и работою удержанное лстываго, / и доброту первую погубившее, / и Твоего спасительного чающее сошествова.

Хвалите Его в кимвалех dobroglasnykh, хвалите Его в кимвалех восклицания. / Всякое дыхание да хвалит Господа.

Гавриил Архангел, / к Тебе, Всенепорочная, / явлено придет и возопиет Тебе: / радуйся, клятвы разрешение, / падших востание. / Радуйся, едина избранная Богу бывшая. / Радуйся, колеснице солнца славы. / Приими Безплотного, / во утробе Твоей вселитися хотящаго.

Слава, и ныне, самогласен, глас 4: Языка, егже не ведяше, / услыша Богородица, / глаголаше бо к Ней Архангел Благовещения глаголы: / отнюдуже верно приемши целование, / зачат Тя, Превечнаго Бога. / Темже и мы радующеся вопиём Ти: / из Нея воплотивыйся непреложно, Боже, / мир миру даруй / и душам нашим велию милость.

Славословие великое.

Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя великия ради славы Твоея. Господи, Царю Небесный, Боже, Отче Вседержителю, Господи Сыне Единородный, Иисусе Христе, и Святыи Душе. Господи Боже, Агнче Божий, Сыне Отець, вземляй грех мира, помилуй нас. Вземляй грехи мира, прими молитву нашу. Сядый одесную Отца, помилуй нас. Яко Ты еси Един Свят; Ты еси Един Господь, Иисус Христос, в славу Бога Отца, аминь.

На всяк день благословлю Тя и восхвалю имя Твое во веки, и в век века. Сподоби, Господи, в день сей без греха сохранитися нам. Благословен еси, Господи Боже отец наших, и хваально и прославлено имя Твое во веки, аминь.

Буди, Господи, милость Твоя на нас, якоже уповахом на Тя.

Благословен еси, Господи, научи мя оправданием Твоим. **Трижды.**

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе.

Господи, к Тебе прибегах, научи мя творити волю Твою, яко Ты еси Бог мой, яко у Тебе источник живота, во свете Твоём узрим свет. Пробави милость Твою ведущим Тя.

Святыи Боже, Святыи Крепкий, Святыи Безсмертный, помилуй нас. **Трижды.**

Слава Отцу и Сыну и Святому Духу, и ныне и присно и во веки веков, аминь.

Святыи Безсмертный, помилуй нас.

Святыи Боже, Святыи Крепкий, Святыи Безсмертный, помилуй нас.

Тропарь Триоди, глас 8:

Повеленное тайно прием в разуме, / в крове Иосифове тщанием предста
Безплотный, / глаголя Неискусобращней: / приклонивый схождением Небеса
вмещается неизменно весь в Тя, / Егоже и видя в ложеснах Твоих / приемша рабий
зрак, / ужасаюся звати Тебе: / радуйся, Невесто Неневестная.

Господи помилуй 12 раз.

Честнейшую Херувим / и славнейшую без сравнения Серафим, / без исления
Бога Слова рождшую, / сущую Богородицу, Тя величаем.

Слава Отцу и Сыну и Святому Духу, и ныне и присно и во веки веков. Аминь
Господи, помилуй, **трижды.** Господи Благослови.

Христос, истинный Бог наш, молитвами Пречистой Своей Матере, святого
праведного Иоанна Кронштадского, святых и праведных богоотцев Иоакима и
Анны, и всех святых, помилует и спасет нас, яко Благ и Человеколюбец.